

四庫全書

集部

欽定四庫全書

唐詩品彙卷二十一

明 高棅 編

五言古詩二十一

餘響 上

王建

江南雜體二首

處處江草綠行人發  
瀟湘瀟湘迴鴈多日夜思故鄉春

夢不知數空山蘭蕙芳

江上風脩脩竹間湘水流  
日夜桂花落行人去悠悠  
復見離別處蟲聲陰雨秋

思遠人

妾思常懸懸君行復綿綿  
征途向何處碧天與青天  
歲久自有念誰令長在邊  
少年若不歸蘭室如黃泉

早起

迴燈正衣裳出戶星未稀  
堂上候姑起環珮生晨輝  
暗

池光羃歷密樹花葳蕤九成鍾漏絕遙聽直郎歸

邯鄲主人

遠客無主人夜投邯鄲市飛蛾遶殘燭半夜人醉起壚邊酒家女遺我絳綺被合成雙鳳花死轉不相離縱令顏色故勿遣合歡異一念始為難萬金誰足貴門前長安道去者如流水晨風去鳥翔裴徊別離此

將歸故山留別杜侍御

有川不得涉有路不得行沈沈百憂中一日如一生

劉云

人之有此錯來干諸侯石田廢春耕虎戟衛重門何因  
苦不能道

達中誠日月俱照曜山川異陰晴如何百里間開目不  
見明我今歸故山誓與草木并願君去丘阪長使道路

平

劉云  
古意

### 七泉寺上方

長年好名山本性今得從回首塵跡遙稍見麋鹿蹤老  
僧雲中居石門青重重陰泉養成龜古壁飛却龍掃石  
禮新經懸幡上高峯日高猿鳥合

劉云  
好

覓食聽山鍾將

火尋遠泉煮茶傍寒松晚隨收藥人便宿南澗中

劉云自在

晨起衝露行濕花枝茸茸歸依向禪師願作香火翁

### 張籍

張自本集序云公為古風最善自李杜之後風雅道喪繼其美者惟公一人矣白樂天讀其詩云張公何為者業文三十春尤攻樂府辭舉代少其倫姚合讀其詩云妙絕江南曲悽清怨女詩古風無敵手新語是人知其為當時名士推服也如此

### 宛轉行

華屋重翠幄綺席睢象休遠漏徵更疎薄衾中夜涼爐

欽定四庫全書

唐詩品彙

卷二十一

三

氤暗裴徊寒燈背斜光  
妍姿結宵態寢壁幽夢長宛轉  
復宛轉憶君更未央

離怨

切切重切切秋風桂枝折人當少年嫁我當少年別

劉云

真是婦人本色

念君非征行年年長遠途妾身甘獨沒高堂有

舅姑山川豈遙遠行人自不返

劉云甚  
是優游

公子行

金羈白馬郎何處踏青來馬驕郎半醉蹀躞望樓臺似

見樓上人玲瓏  
牕戶開隔花聞  
一笑落日不知回

楊貴

感興

一作時興

貴人昔未貴咸願  
顧寒微及自登樞  
要何曾問布衣平  
明登紫閣日晏下  
彤闌擾擾路傍子  
無勞歌是非

陸長源

訓孟十二新居見寄

大道本夷曠  
高青亦中虛  
因適白雲意  
禹豕青蘿居青



欽定四庫全書

唐詩品彙  
卷二十一

蘿紛蒙密四序無慘舒餘清濯子衿散彩還吾廬去歲  
登美第策名在公車將必繼管簫豈惟躡應徐首夏尚  
清和殘芳遍丘墟褰幃蔭牕柳汲井滋園蔬達者貴知  
心古人不願餘愛君蔣生選且著茂陵書

李涉

題清谿鬼谷先生舊居

翠壁開天地青崖列雲樹水容不可狀杳若清河霧常  
聞先生教指示秦儀路二子才不同逞詞過尺度偶因

從吏役遠到冥栖處松月想舊山烟霞了如故未遑鍊  
金鼎日覺容光暮萬慮隨境生何由返真素寂寞天籟  
息清迴鳥聲曙迴首望重重無期挹風馭

白居易

蘇東坡云樂天善長篇但格製不高局  
於淺切又不能變風操故讀而易厭矣

沈存中云樂天詩不必皆好然識趣可尚矣  
詩苑類格云樂天諷諭之詩長於激間適之  
詩長於遣感傷之詩長於切律詩百言以  
上長於贈五字七字百言以上長於情

續古五首

春旦日初出瞳瞳曜晨暉草木照未遠浮雲已蔽之天

地黯以晦當午如昏時雖有東南風力微不能吹中園  
何所有滿地青青葵陽光委雲上傾心欲何依

掩涕別鄉里飄颻將遠行茫茫綠野中春盡孤客情驅  
馬上丘隴高低路不平風吹棠梨花啼鳥時一聲古墓  
何代人不知姓與名化作路傍土年年春草生感彼忽  
自悟令我何營營

朝采山上薇暮採山上薇歲晏薇亦盡饑來何所為坐  
飲白石水手把青松枝擊節獨長歌其聲清且悲櫪馬

非不肥所苦長繫維豢豕非不飽所憂竟為犧行行歌  
此曲以慰常苦饑

戚戚復戚戚送君遠行役行役非中原海外黃沙磧伶  
俁獨居妾迢遞長征客君望功名歸妾憂生死隔誰家  
無夫婦何人不離拆所恨薄命身嫁遲別日迫妾身有  
存沒妾心無改易生為閨中婦死作山頭石

窈窕雙鬟女容德俱如玉晝居不踰閤夜行常秉燭氣  
如含露蘭心似貫霜竹宜當備嬪御胡爲守幽獨無媒

不得選年忽過三六歲暮望漢宮誰在黃金屋邯鄲進  
娼女能唱黃花曲一曲稱君心思榮連九族

小閣閒坐

閣前竹蕭蕭閣下水潺潺拂簾捲簾坐清風生其間靜  
聞新蟬鳴遠見飛鳥還但有巾掛壁而無客叩關二疏  
返故里四老歸舊山吾亦適所願求閒而得閒

首夏南池獨酌

春盡雜英歇夏初芳草深薰風自南來吹我池上林綠

蘋散還合頽鯉跳復沈新葉有佳色殘鶯猶好音依然  
謝家物池酌對風琴慚無康樂咏東筆思沈吟境勝才  
思窮詩成不稱心

重過壽泉憶與楊九別時因題店壁

商州南十里水有名壽泉湧出石岸下流經山店前憶  
昔別離日我去君言還寒波與去淚此地共潺湲一去  
歷萬里再去經六年形容已變改泉水猶依然他日君  
過此殷勤吟此篇

秋池

身閒無所為心閒無所思  
況當故園夜復此新秋  
池岸暗烏栖後橋明月出時  
菱花香散漫桂露光參差  
靜境多獨得幽懷竟誰知  
悠然心中語自問來何遲

聽琴

集作清夜琴興

月出烏栖盡寂然坐空林  
是時心境閒可以彈素琴  
清冷由水性恬淡隨人心  
心積和平氣水應正始音響餘  
羣動息曲罷秋夜深正聲感元化  
天地清沈沈

歐陽詹

銅雀妓

蕭條登古臺回首黃金屋  
落葉不歸林高陵永為谷  
粧容徒自麗舞態悅誰目  
惆悵總帷前歌聲苦如哭

晨裝行

村店月西入山枝鵲鳩聲  
求燈徹夜席東囊事晨征  
寂寂人尚眠悠悠天未明  
豈無偃息心所務前有程

題嚴光釣臺



弭棹歷陳迹悄然關我情伊無昔時節豈有今時名辭  
貴不辭賤古心誰復行欽哉此谿曲永傳英風聲

自懷州却赴洛途中作

惆悵策疲馬孤蓬被風吹昨東今又西冉冉長路岐歲  
晚桂無葉夜寒霜滿枝旅人恒苦辛冥冥天何知

徐十八晦落第

嘉穀不夏熟大器當晚成徐生異凡鳥安得非時鳴汲  
汲有所集作故為驅驅無本情懿哉蒼梧鳳終見排雲征

初發太原途中寄所思

驅馬覺漸遠回頭長路塵高城已不見  
況復城中人去意尚未甘居情諒尤辛  
萬里東北晉千里西南秦一履不出門  
一車無停輪萍與繫匏早晚期相親

同諸公過福先寺禪院宣上人房

律座下朝講畫門為掩關偶同靜者來  
正值高雲閒寂爾方丈內瑩然虛白間  
千燈智慧心片玉清羸顏

翫月

八月三五夕舊嘉蟾兔光斯從古人好共下今宵堂素  
魄皎孤疑芳輝紛四揚裴徊林上頭泛灩天中央皓露  
助流華輕颺佐浮涼清冷到肌膚潔白盈衣裳惜此苦  
宜翫攬之非可將含情顧廣庭願勿沈西方

鮑溶

隋宮

御街行路客行路悲春風野老幾代人猶耕煬帝宮零  
落池臺勢高低禾黍中

岐路

北客苦微寒徒侶勤遠程憂人席不煖殘月馬上明飄  
飄岐路間長見日初生重嶂曉色淺踈猿寒啼清人間  
多岐路常恐終身行迴見四方人車輪無留聲空谷亦  
堪隱下田非懶耕古今有遺訓飽食非親榮我生禮義  
鄉少小見太平賢聖猶羈旅況復非其名

呂溫

聞砧有感

千門儼雲端此地富羅紈秋月三五夜砧聲滿長安幽人感中懷靜聽淚洑瀾所恨擣衣者不知天下寒

李賀

京兆杜牧本集序畧云賀詩蓋騷之苗裔理雖不及辭或過之世皆曰使賀且未死少加以理奴婢命騷可也嚴滄浪云盧仝之怪長吉之詭天地間自無此體不得又云太白天仙之詞長吉鬼仙之詞矣

走馬引

中華古今註云檣里牧恭為父報怨殺人匿山下有天馬夜降圍其室而鳴聞

聲以為吏追之奔走且視乃天馬跡也因悟曰豈吾所處之將危乎遂逃沂澤援琴為此引

我有辭鄉劍玉鋒堪截雲襄陽走馬客意氣自生春朝  
嫌劍花淨暮嫌劍光冷能持劍向人不解持照身

傷心行

咽咽學楚吟病骨傷幽素秋姿白髮生木葉啼風雨燈  
青蘭膏歇落照飛蛾舞古壁生凝塵羈魂夢中語

銅雀妓

追和何遜  
謝朓之作

佳人一壺酒秋容滿千里石馬臥新烟憂來何所似歌  
聲且潜弄陵樹風自起長裾壓高臺淚眼看花机

劉須  
溪云

不必苦心居然自近選語又云直有  
墓中不能言者却正如此亦近大體

塞下曲

胡角引北風薊門白於水

劉云悲壯卓絕

天舍青海道城頭月

千里霧下旗濛濛寒金鳴夜刻蕃甲鎖蛇鱗馬嘶青塚

白秋靜見旄頭沙遠席羈愁

一作席羈愁為是蓋臥沙中以豆其為席也

障

北天應盡河聲出塞流

還自會稽歌

并序

庾肩吾於梁時嘗作宮體謠引而以應和皇子及

國勢淪敗肩吾先潛難會稽後始還家僕意其必  
有文今無得焉故作還自會稽歌以補其悲

野粉椒壁黃濕螢滿梁殿臺城應教人秋衾夢銅輦

太子

也吳霜點歸鬢身與塘蒲晚脉脉辭金魚羈臣守屯賤

劉云此擬肩吾之作安得不迷梁亡之悲其沈著憔悴在  
於自言秋衾銅輦之夢而庾自見殆賦外賦也塘蒲之  
歎融入秋晚結語却如此極是矣

感諷

星盡四方高萬物知天曙已生須已養荷檐出門去君



平久不返康伯適國路

漢韓康字伯休桓帝聘之不曉得已行至亭舍問道適云

思何謊謊闌闌千人語

劉云詠嚴君平韓伯休而感諷自見安能免此其妙在言外末

語不收拾之  
收拾更佳

### 賈島

司空圖云賈詩誠有警句視其全篇意思殊晦

### 古意

碌碌復碌碌百年雙轉轂志士中夜心良馬白日足俱為不等閒誰是知音目眼中兩行淚曾弔三獻玉

易水懷古

荆卿重虛死烈節書前史我歎方寸心誰論一時事至  
今易水橋寒風兮蕭蕭易水流得盡荆卿名不泯

延康吟

寄居延康里為與延康鄰不愛延康里愛此里中人人  
非十年故人非九族親人有不朽語得之烟山春

題岸上人郡內閒居

靜向方寸求不居千嶂幽池開菡萏香門閉莓苔秋金

玉重四句粃糠輕九流爐烟上喬木鍾磬下危樓手種  
一株松貞心與師儔

答王參

寸晷不相待四時去如競客思先覺秋蟲聲苦知暝霜  
松積舊翠露月圓如鏡詩負屬景同琴孤坐堂聽相期  
黃菊節別約紅桃逕每把式微篇臨風一長詠

和劉涵

京官始云滿野人依舊閑閉門一畝居中有古風還市

井日已午幽牕夢南山喬木覆北齋有鳥鳴其間前日  
遠嶽僧來時與開闢新題驚我瘦窺鏡見醜顏陶情昔  
清澹此意共誰攀

寄孟協律

我有弔古泣不泣向路岐揮淚灑暮天滴著桂樹枝別  
後冬節至離心北風吹坐孤雪扉夕泉落石橋時不驚  
猛虎嘯難辱君子詞欲酬空覺老無以堪遠持岵嶢倚  
牕角王屋懸清思

感秋

商氣颯已來歲華又虛擲朝雲藏竒峯暮雨灑踈滴幾  
蜩嘿涼葉數蟲思陰壁落日空館中歸心遠山碧昔人  
多秋感今日何異昔四序馳百年玄髮坐來白喧喧徇  
名利擾擾同轍迹倘無世上懷去偃松下石

寄遠

別腸多鬱紆豈能肥肌膚始知相結密不若相結踈踈  
別恨應少密離恨難祛門前南流水中有北飛魚魚飛

向北海可以寄遠書不惜寄遠書故人今在無況此數  
尺身阻彼萬里途自非日月光難以知子軀

姚合

街西居

愛得山野性住城事多違青山在宅南迴首東西稀淺  
一井泉數家同汲之獨我惡水濁鑿井庭之陞自鑿  
還自飲亦為衆所非吁嗟世間事潔身誠難為

寄李餘臥疾

窮節彌慘慄我謳自云樂伊人同疾恙所對唯苦藥寂  
寞行稍稀清羸餐自薄幽齋外浮事夢寐亦蘭若雪戶  
掩復明風簾捲還落方持數杯酒勉子同斟酌

杜牧

唐史本傳云牧詩清致豪邁人號為小杜以別杜甫云然議論好異於人稍自昧於理者

獨酌

長空碧杳杳萬古一飛鳥生前酒半閒愁醉閒多少烟  
深隋家寺殷葉暗相照獨佩一壺遊秋毫泰山小

題安州浮雲寺樓寄湖州張郎中

去夏踈雨餘同倚朱闌語當時樓下水今日到何處恨  
如春草多事與孤鴻去楚岸柳何窮別愁紛若絮

題宣州開元寺

寺創于東晉時

南朝謝宣城東吳最深處亡國去如鴻遺寺藏烟塢樓  
飛九十尺廊環四百柱高高下下中風繞桂松樹青苔  
照朱閣白鳥兩相語谿聲入僧夢月色輝粉署閱景無旦  
夕凭欄有今古留我一罇酒前山看春雨



赴京初入汴口曉景即事寄兵部李郎中

清淮控隋漕北走長安道檣形櫛櫛斜浪態迤迤好迤

徒

何切

初旭紅可染明河澹如掃澤潤鳥來遲村饑人語早

露蔓蟲絲多風蒲燕雛老秋思高蕭蕭客愁長裊裊因  
懷京洛間宦遊何草草什伍持津梁瀕湧爭追討翺便  
詎可尋幾秘安能考小人之馨香上下將何禱唯有君  
子心顯豁如幽抱

許渾

洛陽道中

洛陽多舊跡一日幾人愁  
風起禁花晚月明陵樹秋  
興亡不可問唯見水東流

汾上燕別

雲物如故鄉山川知異路  
年來未歸客馬上春欲暮  
一樽花下酒落日水西樹  
不待管絃終搖鞭背花去

李商隱

唐史本傳云李為文章瑰邁奇古長於律詩尤  
精味史與溫庭筠輩號三十六體自稱玉溪子

云亦曰  
西崑體

無題

八歲偷照鏡長眉已能畫十歲去踏青芙蓉作裙衩十  
二學彈箏銀甲不曾卸十四藏六親懸知猶未嫁十五  
泣春風背立鞦韆下

唐詩品彙卷二十一

欽定四庫全書

集部  
唐詩品彙卷二十五

詳校官檢討<sub>臣</sub>德生

助教<sub>臣</sub>常循覆勘

總校官進士<sub>臣</sub>朱銓

校對官編修<sub>臣</sub>勵守謙

謄錄監生<sub>臣</sub>慈意誠

欽定四庫全書

唐詩品彙卷二十二

明  
高棟  
編

五言古詩二十二

餘響下

馬戴

嚴滄浪云馬戴詩  
在晚唐諸人之上

晚眺有懷

惻惻抱離念曠懷成怨歌高臺試延望落照在寒波此  
地芳草歇舊山喬木多悠然暮天際但見鳥相過

夕次淮口

天涯孤光盡木末羣鳥還夜久遊子息月明岐路閒風  
生淮水上帆落楚雲間此意今誰見行行悲故關

宿裴氏谿居懷厲玄先輩

樹下孤石坐草間微有霜同此不同人雲鳥自南翔迢  
遞夜山色清冷泉月光西風耿離抱江海遙相望

陳陶

悲哉行

中嶽仇先生遺余餌松方服之一千日肢體生異香步  
履如風旋天涯不齎糧仍云為此仙不得朝虛皇狡兔  
有三穴人生又何常悲哉二廉士餓死於首陽

懷仙吟二首

丹陵五牙客昨日羅浮歸赤斧尋不得烟霞空滿衣試  
於華陽間果遇三茅知採藥向十洲同行牧羊兒十洲

隔八海浩渺不可期空留雙白鶴巢在長松枝

雲谿古流水春晚桃花香憶與我師別片帆歸滄浪滄浪在何許相思淚如雨黃鶴不復來雲深別離處石渠泉冷冷三見菖蒲生日夜勞夢魂隨波注東溟空懷別時惠長讀魔消經

寄元亨道人

楚寺章句客佩蘭三十年長乘碧雲馬時策翰林鞭羃事五岳遊金衣曳祥烟高攀桐君手左倚鸞鷟肩哭玉



秋雨中摘星春風前橫輶截洪偃憑几看廣宣爾來寤  
華胥石壁孤雲眠龍降始聽偈龜老方巢蓮內殿無文  
僧騶虞誰能牽因之問楚水弔屈幾潺湲

蒲門戍觀海作

廓落溟漲曉蒲門鬱蒼蒼登樓禮東君旭日生扶桑毫  
釐見蓬瀛含吐金銀光草木露未晞蜃樓氣若藏欲遊  
蟠桃國慮步魑魍鄉徐市感秦朝何人在巖廊惜哉千  
童子葬骨於渺茫恭聞棹客言東池接天潢即此聘牛

女曰祈長壽方靈津水清淺余亦暮脩航

溫庭筠

湘宮人歌

池塘芳草濕夜半東風起生綠畫羅屏金壺貯春水黃  
粉楚宮人芳花正刻麟娟娟照臺燭不語兩含顰

西州詞

悠悠復悠悠昨日下西州西州風色好遙見武昌樓武  
昌何鬱鬱儂家定無匹小婦被流黃登樓撫瑤瑟朱絃

繁復輕素手直淒清一彈三四解掩抑似含情南樓登  
且望西江廣復平艇子搖兩漿催過石頭城門前鳥白  
樹慘澹天將曙鷓鴣飛復還郎隨早帆去回頭語同伴  
定復負情儂去帆不安幅作底使西風他日相尋索莫  
作西州客西州人不歸春草年年碧

劉駕

出塞

胡塞不開花四時多作雪北人尚凍死況我本南越古

來犬羊地巡狩無遺轍九土耕不盡武皇猶戰伐中天  
有高閣圖書何時歇坐恐寒上山低於沙上骨

寄遠

雪花豈結子徒滿連理枝嫁與征人妻不得長相隨去  
年君點行賤妾是新歸別早見未熟入夢無定姿悄悄  
空閨中蟲聲遶羅帷得書喜猶甚况復見君時

醒後

醉臥芳草間酒醒日落後壺觴半傾覆客去應已久不

記折花時何得花在手

早行

馬上續殘夢馬嘶時復驚心孤多所虞僮僕近我行  
栖禽未分散落月照孤城莫美閒居者谿邊人已耕

蘭昌宮

宮蘭非瑤草安得春長在回首春又歸翠葉不能待悲  
風生輦路山川寂已晦邊恨在行人行人無盡歲

姑蘇臺

勾踐飲膽日吳酒香滿杯笙歌入海雲聲自姑蘇來西  
施舞初罷侍兒整金釵衆女不敢妬自比泉下泥越鼓  
聲騰騰吳天隔塵埃難將甬東地更學會稽棲霜跡一  
朝盡草中棠梨開

馮叟居

天作馮叟居山僧尚嫌僻開門因兩樹結宇倚翠壁谿  
南有微逕時遇採芝客往往白雲生對面千里隔機忘  
若童僕常與猿鳥劇曬藥上小峯庭深無日色自從忘

歸鄉

一作歸鄉里

不見舊親戚  
累累子孫墓  
秋風吹古栢

出門

出門羨他人奔走如得途  
翻思他人意與我或不殊  
以茲聊自安  
默默行九衢  
生計逐羸馬  
每出似移居  
客從我鄉來  
但得鄰里書  
田園幾換主  
夢歸猶荷鋤  
進猶希萬一退  
復何所如  
況今闢公道  
安得不躊躇

儲嗣宗

送人歸故園

遠節慘言別況逢心久違從來憶家淚今日送君歸野  
路正風雪還鄉猶布衣里中耕稼者應笑讀書非

李羣玉

感興二首

洞房三五夕金缸凝燄滅美人抱雲和斜倚紗牕月沉  
吟想幽夢閨思深不說絃冷玉指寒含嚔達明發  
朔鴈銜邊秋寒聲落燕代先驚愁入耳顏髮潛消改凝  
雲蔽洛浦夢寐勞光彩天邊無書來相思淚如海



湖中古愁

南雲哭重華水死悲二女  
天邊九點黛白骨遺處所  
朦朧波上瑟清夜降北渚  
萬古一雙魂飄飄在烟雨

岳陽春晚

不覺春物老塊然湖上樓  
雲沙鷗鵠思風日沅湘愁  
去翼滅雲夢來帆指昭丘  
所嗟芳桂晚寂寞對汀洲

漢陽春晚

漢陽抱青山飛樓映湘渚  
白雲蔽黃鶴綠樹藏鸚鵡  
憑

高送春日流恨傷千古遐想禰衡才令人怨黃祖

我思何所在

我思何所在乃在陽臺側良宵相望時空此明月色歸  
魂泊湘雲飄蕩去不得覺來理舟楫波浪春湖白烟光  
結楚秋瑤草不忍摘因書天末心繫此雙飛翼

江樓獨酌懷從弟

水國發爽氣川光靜高秋酣歌金尊綠送此清風愁楚  
色忽滿目灘聲落西樓雲翻天邊葉月弄波上鉤芳草

長搖落衡蘭謝汀洲長吟碧雲合悵望江之幽

別狄佩

梁公曾孫  
旅於南國

翠柳不著花鳳雛長忍饑未開丹霄翮空把碧梧枝聖  
人奏雲韶祥鳳一來儀文章耀白日衆鳥莫敢窺鬱抑  
不自言凡鳥何由知當看九千仞飛出太平時

小弟鯁南遊近來書

湘南客帆稀遊子寡消息經時停尺素望盡雲邊翼笑  
言憑夢寐獨立想容色落景無來人脩江入天白停停

倚門念瑟瑟風雨夕何處泊扁舟中流湍波側秋歸舊  
牕竹永夜一淒寂吟爾鵲鷦篇中宵慰相憶

登章華樓

楚子故宮地蒼然雲深秋我來覽後事薄景空生愁霸  
業沒荆棘雄圖成古丘沉吟問鼎語但見東波流征鴻  
引鄉心一去何悠悠晴湖碧雲晚暝色空高樓迢遞超  
遠嶠微茫入孤舟空路不堪望西風白波稠

雨夜呈長官

遠客坐長夜雨聲孤寺秋請量東海水看取淺深愁  
窮重於山終年壓人頭朱顏與芳景暗赴東波流鱗翼  
俟風水青雲方阻脩孤燈冷素焰蟲響寒房幽借問陶

淵明何物可忘憂無因一酩酊高枕萬情休

客齋隨筆  
云作客涉

遠適當窮秋莫投孤林古寺中夜不寐起坐悽惻而聞  
雨聲其為一時襟抱不言可知而此首二句盡其意態  
以海水喻愁非過也但作李頗非是

將還羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪靈魄冷

光徹遠目百里見海色送雲歸蓬壺望鶴滅秋碧波瀾  
收日氣天上回澄寂百越落掌中十洲點空白身居飛  
鳥上口詠元玄籍飄如出塵籠想望吹簫客真真人間  
世歌笑不足惜竭來羅浮巔披雲煉瓊液謝公雲岑興  
可以躡高跡吾將抱瑤瑟絕境縱所適

將離澧浦置酒野嶼奉懷沈正字昆仲三人聯  
登高第

春月二改鬼花枝成綠陰年光東流水浩歎傷羈心酌

桂烟嶼晚鳩鳴江草深良圖一超忽萬恨遠相尋上國  
列翹楚才微甘陸沈無燈假貧女有淚沾牛衾衡岳三  
麒麟各振黃鍾音鄉雲被文綵芳價傾詞林夫子芸閣  
英養鱗湘水潯晴沙踏蘭菊隱几當青岑明月洞庭上  
悠揚掛離襟停盃一搖筆聊寄生芻吟

別尹鍊師

吾家五千言至道懸日月若非函闕令誰駐流沙說多  
君非尋志機悟獨超拔學道玉笥山燒丹白雲穴南窮

衡疑秀採藥歷幽絕夜臥瀑布風朝行碧巖雪洞宮四  
百日玉籍恣探閱徒以蘭蕙姿緬攀修真訣塵羅罩浮  
世遐志空飛越一罷棋酒歡離情滿寥泝願騎紫蓋鶴  
早向黃金闕城市不可留塵埃穢仙骨

司馬禮

感螢

愛爾持照書臨書歎吾道青瑩一點光曾誤幾人老夜  
久獨此心環垣閉秋草



感古

九折無停波三光如轉燭玄珠人不見徒愛燕趙玉祖  
龍已深感漢氏遠循欲驪山與茂陵相對秋草綠

近別

咫尺不相見便同天一涯何必隔關山乃言相別離我  
心與君心脉脉無由知誰堪近別苦遠別猶所期

彈琴

深室無外響空桑七絃分所彈非新聲俗耳安肯聞月

落未終曲暗中泣湘君如傳我心苦千里蒼梧雲

送進士苗縱歸紫邏山居

汝上多奇山高懷愜清境強來千名地冠帶不能整常  
言夢歸處泉石寒更靜鶴聲無人夜空月隨松影今朝  
拋我去春物傷明景悵望相送還微陽在東嶺

古邊卒思歸

有田不得耕身臥遼陽城夢中稻花香覺後戰血腥漢  
武在深殿唯思廓寰瀛中原半烽火比屋皆黥行邊士

無膏腴閒地何必爭徒令執耒者刀下死縱橫

蠶女

養蠶先養葉蠶老人亦衰苟無園中葉安得機上絲妾  
家非豪門官賦日相追鳴梭夜達曉猶恐不及時但憂  
蠶與葉敢問結髮期東鄰女新嫁照鏡弄蛾眉

道中早發

野店雖一聲蕭蕭客車動四峰帶曉月十里猶相送繁  
絃滿長道羸馬四蹄重遙羨青樓人錦衾方遠夢功名

不我與孤劍何所用行役難自休家山憶秋洞

山中晚興寄裴侍御

雷息疎雨散空山夏雲晴南軒對林晚籬落新蟲鳴  
白酒一罇滿坐歌天地清十年身未閒心在人間名永懷  
君親恩久賤難退情安得蓬丘侶提攜採瓊英

于漬

塞下曲

紫塞曉屯兵黃沙披甲臥戰鼓聲未齊烏鵲已相賀燕

然山上雲半是離鄉魂  
衛霍徒富貴豈能清乾坤

巫山高

何山無朝雲彼雲亦悠揚  
何山無暮雨彼雨亦滄茫  
宋玉恃才者憑虛構高唐  
自垂文賦名荒淫歸楚襄  
峨峨十二峰永作妖鬼鄉

織素謠

貧女苦筋力繰絲夜夜織  
萬梭為一素世重韓娥色  
五侯初買笑建章方落籍  
一曲古涼州六親長血食

馬嵬驛

常經馬嵬驛見說坡前客一從屠貴妃生女愁傾國是  
日芙蓉花不如秋草色當時嫁匹夫不妨得頭白

戍客南歸

北別黃榆塞南歸白雲鄉孤舟下彭蠡楚月沈滄浪為  
予惜功業滿身刀箭瘡莫渡汨羅水回君忠孝腸

旅館秋思

旅館坐孤寂出門成苦吟何事覺歸晚黃花秋意深寒

蝶戀衰草軫我離鄉心更見庭前樹南枝巢宿禽

山村曉思

開門省禾黍鄰翁水頭住今朝南澗波昨夜西川雨  
牧童披短蓑腰笛期烟渚不問水邊人騎牛傍山去

村居晏起

村舍少聞事日高猶閉闔起來花滿地戴勝鳴桑間居  
安即永業何者為故山朱門與蓬戶六十頭盡班

邊遊錄戍卒言

二十屬盧龍三十防沙漠平生愛功業不覺從軍惡  
今來容髮改知學彎弓錯赤肉痛金瘡他人成衛霍目斷  
望君門君門苦寥廓

沙場夜

城上更聲發城下杵聲歇征人燒斷蓬對泣沙中月  
耕牛朝輓車戰馬夜銜鐃士卒浣戎衣交河水流血輕裘  
兩都客洞房愁宿別何況遠辭家生死猶未決

南越謠



迢迢東南天巨津無津壖雄風卷昏霧干戈滿樓船此  
時尉佗心兒童待幽燕三寸陸賈舌萬里漢山川苦令  
交趾貨盡生虞芮田天意苟如此遐人誰更憐

即謁

長安寒食

春日照九衢春風媚羅綺萬騎出都門擁在香塵裏莫  
辭弔枯骨千載長如此安知今日身不是昔時鬼君看  
平地遊亦見催輶死

經安谷先生舊居

羽化留遺蹤千載蹤難沒一泉巖下水幾度換明月松  
老不改柯龍久皆變骨雲雨有歸時雞犬無還日至今  
青山中寂寞桃花發

論政

賢哉三握髮為有天下憂孫弘不開閣丙吉寧問牛內  
政由股肱外政由諸侯股肱政若行諸侯政自修一物  
不得所蟻穴滿山丘莫言萬木死不因一葉秋朱雲若

不直漢帝終自由子嬰一失國渭水東悠悠

陸龜蒙

築城詞

城上一坏土手中千萬杵築城畏不堅堅城在何處莫  
歎將軍逼將軍要却敵城高功亦高爾命何足惜

贈遠曲

茱萸匣中鏡欲照心還懶本是細腰人別來羅帶緩從  
君出門後不奏雲和管妾思冷如簫時時望君煖心期

夢中見路遠魂夢斷怨坐泣西風秋牕月華滿

井上桐

美人傷離別汲井常待曉愁因轆轤轉驚起雙栖鳥獨立傍銀牀碧桐風嫋嫋

茶人

天賦識靈草自然鍾野姿閒來北山下似與東風期雨後採芳去雲間幽路危唯應報春鳥得共斯人知

朱景玄

題呂食新水閣兼寄南商州郎中

丹檻初結構孤高冠清川庭臨谷中樹簷落山上泉  
曉色掛殘月夜聲雜繁絃青春去如永康樂歸何年

華山南望春

靈嶽多異狀巉巖出虛空門雲戀巖壑起滅蒼翠中  
皓氣澄野水神光秘瓊宮鶴巢前林雪瀑落滿澗風  
春盡花未發川迴路難窮何因著山屐鹿跡尋羊公

張喬

聽彈琴

清月轉瑤軫弄中湘水寒能令坐來客不語自相看靜  
恐鬼神出急疑風雨殘幾時歸隴嶠更過洞庭彈

曹鄴

怨歌行

丈夫好弓劍行坐說金吾喜聞有行役結束不待車官  
田贈倡婦留妾侍舅姑舅姑皆已死庭花半是蕪中妹  
尋適人生女亦嫁夫何曾寄消息他處却有書嚴風厲

中野女子心易孤貧賤又相負封侯意何如

霽後作

新霽辨草木晚塘明素襟乳燕不歸宿雙雙飛向林微  
照露花影輕雲浮麥陰無人可招隱盡日登山吟

羅隱

隴頭水

借問隴頭水年年恨何事全疑嗚咽聲中有征人淚自  
古無長策況我非深智何計謝潺湲一宵空不寐

韓偓

幽獨

幽獨起清晨山鶯啼更早門巷掩蕭條落花滿芳草烟  
和魂共遠春與人同老默默又依依淒然此懷抱

王貞白

題嚴光釣臺

山色四時碧谿光七里清嚴陵愛此水下視漢公卿垂  
釣月初上放歌風正輕應嫌渭濱叟匡國只論兵



李建勳

白鴈

東溪一白鴈羽毛何皎潔  
薄暮浴清波斜陽共明滅  
差池失侶久幽獨依人切  
旅食賴菰蒲單栖怯霜雪  
邊風昨夜起顧影空哀咽  
不及牆上烏相將繞雙闕

唐詩品彙卷二十二

欽定四庫全書

唐詩品彙卷二十三

明 高棟 編

五言古詩二十三

旁流

薛竒童

有姓氏無字里世次可考者十四人

塞下曲

驕虜初南下烟塵暗國中獨召李將軍夜開甘泉宮一

身許明主萬里總元戎霜中臥不煖夜半聞邊風胡天  
早飛雪荒徼多轉蓬寒雲覆水重秋氣連海空金鞍誰  
家子上馬鳴角弓自是幽并客非論愛立功

蔣奇童

擬古

國秀集作  
薛奇童詩

沙塵蔽朝日失道還相遇寒影波上雲秋聲月前樹川  
氣生曉夕野陰乍烟霧沈沈漚池水人馬不敢渡吮癰  
世所薄挾纊恩難顧不見古時人中宵淚橫注

唐堯客

大梁行

客有成都來為我彈鳴琴前彈別鶴操後奏大梁吟大  
梁傷客情荒臺對古城版築有陳跡歌吹無遺聲雄哉  
魏公子疇日好羅英秀士三千人煌煌列衆星金槌奪  
晉鄙白刃刎侯嬴邯鄲救趙北函谷走秦兵君子榮且  
昧忠信莫之明間諜忽來及雄圖靡克成千齡萬化盡  
但見海水清舊國多孤纍夷門荊棘生蒼梧綵雲沒返

浦綠池平聞有東山去蕭蕭班馬鳴河洲寥宿莽日夕  
淡沾纓因之唁公子慷慨此歌行

杜頽

從軍行

秋草馬蹄輕角弓持弦急去為龍城侯正值胡兵襲軍  
氣橫大荒戰酣日將入長風金鼓動白露鐵衣濕四起  
愁邊聲南轅時佇立斷蓬孤自轉寒鴈飛相及萬里雲  
沙漲平川冰霰蒞夜聞漢使歸獨向刀環泣

王烈

行路難

行客滿長路  
路長良足哀  
白日持角弓  
射人而取財  
千金誰家子  
紛紛死黃埃  
見者不敢言  
言者不敢回  
家人各望歸  
豈知長不來

孫昌胤

遇旅鶴

靈鶴產絕境  
昂昂無與儔  
單飛滄溟曙  
一叫雲山秋  
微

生方自得人寰何所求時因戲祥風偶爾來中洲中洲  
帝王宅園沼深且幽希君惠稻梁欲拜辭丹丘不然奮  
飛去將適汗漫游肯作池上鷺年年空沉浮

陳存

寓居武丁館

暑雨颯已過涼颼觸幽襟虛館無喧塵綠槐多晝陰俯  
視古苔積傾聆早蟬吟放卷一長想閉門千里心

楊齊哲



函谷關

地險峻  
函北途經分  
陝東逶迤衆山盡  
荒涼古塞空  
河光流曉日樹影散  
朝風聖德今無外  
何處是關中

樓穎

伊水門

朝涉伊水門  
伊水入門流  
愜心乃成興  
澹然泛孤舟  
霏微傍青靄  
容與隨白鷗  
竹陰交前浦  
柳色媚中洲  
日落陰雲生  
彌覺茲路幽  
聊以恣所適  
此外知何求

賈駝

秋入關

河上微風來關頭樹初濕今朝關城吏又見孤客入上  
國誰與期西來徒自急

李幼卿

遊石橋寺最高頂

拂霧理孤策薄霄睡層岑迴升烟霧外豁見天地心物  
象不可極遲回空詠吟

袁瓘

鴻門行

少年買意氣百金不辭費學劍西入秦結交北遊魏秦  
魏多異人與代亦殊倫由來不相識皆是暗相親寶馬  
青絲轡狐裘貂鼠服晨過劇孟遊暮投咸陽宿然諾本  
云云諸侯莫不聞猶思百戰術更逐李將軍始從灞陵  
下遙遙度朔野北風聞楚歌南庭見胡馬胡馬正秋肥  
相邀夜合圍戰酣烽火滅路斷救兵稀白刃縱橫逼黃

塵飛不息虜騎血灑衣單于淚沾臆獻凱雲臺中自言  
塞上雄將軍行失勢部曲遂無功新人不如舊舊人不  
相救萬里長飄飄十年計不就棄置難重論驅馬度鴻  
門行看楚漢事不覺風塵昏寶劍中夜撫悲歌聊自舞  
此曲不可終曲終淚如雨

元季川

山中晚興

河漢降玄霜昨來節物殊媿無神仙姿豈有陰陽俱靈

鳥望不見慨然悲高梧華葉隨風揚  
斧條雜荒蕪為君寒谷吟歎息知何如

泉上雨後作

風雨蕩繁暑雷息佳霽初衆峰帶雲色  
清氣入我廬颯颯涼颭來臨窺愜所圖  
綠蘿長新蔓裊裊垂坐隅流水覆簷下  
丹砂發清萐養葛為我衣種芋為我蔬  
誰是畹與畦瀾漫連野蕪

賈琮

旅泊江津言懷

征途幾迢遞客子倦西東乘流如泛梗逐吠似驚蓬飄  
風萬里外辛苦百年中異縣心期阻他鄉風月同雲歸  
全嶺暗日落半江紅自然堪迸淚非是泣途窮

李頎

姓氏疑誤  
者六人

贈蘇明府

文苑英華作李頎詩  
按頎集無此篇疑誤

蘇君年幾許狀貌如玉童采藥傍梁宋共言隨日翁常  
辭小縣宰一往東山東不復有家室悠悠人世中子孫

皆老死相識悲轉蓬髮白還更黑身輕行若風汎然無  
所繫心與孤雲同出入雖一枝或作一杖安然知始終願聞  
素女事去採山花叢誘我為弟子逍遙尋葛洪

### 高適

銅雀妓

已下二篇文苑英華俱作高  
適詩按常侍集無此詩疑誤

日暮銅雀迥秋深玉座清蕭森松柏望委鬱綺羅情君  
恩不再得妾舞為誰輕

### 塞下曲

結束浮雲駿翩翩出從戎且憑天子怒復倚將軍雄萬  
鼓雷殷地千旗火生風日輪駐霜戈月魄懸琬弓青海  
陣雲匝黑山兵氣衝戰酣太白高戰罷旄頭空萬里不  
惜別一朝得成功畫圖麒麟閣入朝明光宮大笑向文  
士一經何足窮古人昧此道往往成老翁

李彥暉

採桑

文苑英華作  
李彥遠詩

採桑畏日高不待春眠足攀條有餘態那矜一作貌如



玉千金豈不贈五馬空蹀躞何以變真性幽篁雪中綠  
劉希戩

夏彈琴

文苑英華作  
劉希夷詩

碧山本岑寂素琴何清幽彈為風入松崖谷颯已秋庭  
鶴舞白雪泉魚躍洪流予欲娛世人明月難暗投感歎  
未終曲淚下不可收嗚呼鍾子期零落歸山丘死而若  
有知魂兮隨我遊

李益

長干行

黃山谷云太白集中長干行二篇其後篇憶妾深閨裏乃李益所作詩意亦清

麗可喜

恐是

憶妾深閨裏烟塵不曾識嫁與長干人沙頭候風色五  
月南風興思君下巴陵八月西風起想君發揚子去來  
悲如何見少離別多湘潭幾日到妾夢越風波昨夜狂  
風度吹折江頭樹渺渺暗無邊行人在何處好乘浮雲  
驄佳期蘭渚東鴛鴦綠蒲上翡翠錦屏中自憐十五餘  
顏色桃花紅那作商人婦愁水復愁風

李赤

姑熟雜詠

蘇東坡公常過姑熟堂下讀李白十詠疑其詞語淺陋不類太白孫邈云

聞之王安國秘閣下有李赤集此詩在焉赤嘗自比於李白故名赤

丹陽湖

在當塗縣東南七十里是

湖與元氣通風波浩難止天外賈客歸雲間片帆起  
龜遊蓮葉上鳥宿蘆花裏少女棹舟歸歌聲逐流水

謝公宅

即謝朓宅也在城東青山

青山日將暝寂寞謝公宅竹裏無人聲池中虛月白荒

庭衰草偏廢井蒼苔積唯有清風閒時時起泉石

凌歊臺

圖經臺在當塗黃山上宋武帝南遊嘗登此臺乃建離宮焉

曠望登古臺臺高極入目疊嶂列遠空閒花雜平陸白雲入牕牖野翠生松竹欲覽碑上文苔侵豈堪讀

慈姥竹

當塗縣有慈姥山其竹堪為簫管

野竹攢石生含烟映江島翠色落波深虛聲帶寒早龍吟曾未聽鳳曲吹應好不學蒲柳凋貞心常自保

望夫山

九域誌昔有人適楚不還其妻登山望夫化為石山在當塗縣

顚望臨碧空，怨情感離別。  
芳草不知愁，巖花但爭發。  
雲山萬里隔，音信千里絕。  
春去秋復來，相思幾時歇。

吳筠

羽士  
二人

步虛詞四首

愍俗從遷謝，尋仙去淪沒。  
三光有真人，與我生道骨。  
凌晨吸丹景，入夜飯黃月。  
百闕彌惆悵，方寸益清越。  
栖神合虛無，洞覽周恍惚。  
不覺隨玉皇，焚香詣金闕。

怡神在靈府，皎皎含清澄。  
仙經不吾欺，輕舉信有徵。  
疇

昔希道念而今果天成豈非陰功著乃致白日昇焉用  
過洞府吾其越朱陵

予因詣金闕飛蓋超西極遂入素中天停輪大濛側若  
華拂流影不使白日匿傾曦復停午六合無暝色道化  
隨感遷此理誰能測

高昇紫極上宴此玄都岑玉蕊散奇香瓊柯流雅音靈  
風生太漠習習吹人襟體混紫微廣神凝空洞深蕭然  
宇宙外自得乾坤心

步虛詞三首

扶桑誕初景羽蓋凌晨霞  
倏造西域嬉遊金母家  
碧津湛洪源灼爍敷荷花  
煌煌青琳宮璨璨列玉華  
真氣溢絳府自然思無邪  
俯矜區中士天濁良可嗟

瓊臺劫萬仞孤映大羅表  
常有三素雲凝光自飛遶  
羽童泛明霞升降何縹緲  
鸞鳳嘯雅音栖翔絳林杪  
玉虛無晝夜靈景何皎皎  
一覩太上京方知衆天小

二氣播萬有化機無停輪  
而我操其端乃能出陶鈞  
寥

寥大漠上所遇皆清真澄瑩含元和氣同自相親絳樹  
結丹實紫霞流碧津以茲保童嬰永用超形神

覽古三首

興亡道之運否泰理所全奈何淳古風既往不復旋三  
皇已散樸五帝初尚賢王業與霸功浮偽日以宣忠誠  
及狙詐殽混安可甄餘智入九霄守愚淪重泉永懷巢  
居時感涕徒泫然

食其昔未偶落魄為狂生一朝君臣契雄辨何縱橫運



壽康漢業憑軾下齊城既以智所遠還為智所烹豈若  
終貧賤酣歌本無營

絳侯成大績賞厚位仍尊一朝對獄吏榮辱安可論蘇  
生佩六印奕奕為殃源主父食五鼎昭昭成禍根李斯  
佐二辟巨釁鍾其門霍孟翼三后伊戚及後昆天人忌  
盈滿茲理固永存方知得意者何必乘朱輪滅景栖遠  
壑絃歌對清樽二疏返海濱蔣詡歸林園瀟灑去物累  
此謀誠足敦

登北固山望海

此山鎮京口迥出滄海湄躋覽何所見茫茫朝夕馳雲  
生蓬萊島日出扶桑枝萬里混一色焉能分兩儀願言  
策烟駕縹緲尋安期揮手謝人境吾將從此辭

聽尹鍊師彈琴

至樂本太一幽琴和乾坤鄭聲久亂雅此道稀能尊吾  
見尹仙翁伯牙今復存衆人棄其流夫子達其源在山  
峻峰峙在水洪濤奔都忘邇城闕但覺清心魂代乏識

微者幽音誰與論

題龔山人草堂

世人負一美未肯甘陸沉獨抱匡濟器能懷真隱心結  
廬通城郭及到雲木深滅跡慕潁陽忘機同漢陰啓戶  
面白水憑軒對蒼岑但歌考槃詩不學梁父吟茲道我  
所適感君齊素襟勛哉龔夫子勿使囂塵侵

遊廬山五老峯

彭蠡隱深翠滄波照芙蓉日初金光滿景落黛色濃雲

外聽猿鳥烟中見杉松自然符幽情瀟灑愜所從整策  
務探討嬉遊任從容玉膏正滴瀝瑤草多丰茸羽人栖  
層崖道合乃一逢揮手欲輕舉為余扣瓊鐘空香清人  
心正氣信有宗永用謝物累吾將乘鸞龍

登廬山東峰觀九江合彭蠡湖

百川灌彭蠡秋水方浩浩九派混東流朝宗合天沼寫  
心陟雲峰縱目還縹緲宛轉衆浦分差池羣山繞江妃  
弄明霞彷彿呈窈窕而我臨長風飄然欲騰矯昔懷滄

洲興斯志果已紹焉得忘機人相從合魚鳥

司馬退之

洗心

不踐名利道始覺塵土腥不味稻粱食始覺神骨清羅  
浮奔走外日月無短明山瘦松亦勁鶴老飛更輕逍遙  
此中客翠髮皆長生草木多古色雞犬無新聲君有出  
俗志不貪英雄名傲然脫冠帶改換人間情去矣丹霄  
路向曉雲冥冥

皎然

袖子  
五人

嚴滄浪云僧皎然  
詩在唐詩僧之上

古別離

太湖三山口吳王在時道寂寞千載心無人見春  
草誰堪緘怨者持此傷懷抱孤舟畏狂風一點宿  
烟島

步虛詞

予因覽真訣遂感西域

一作城

君玉笙下清冥人間未曾

聞日華鍊精魄皎皎無垢氛謂我有仙骨且令餌氤氲  
俯仰媿靈顏願隨鸞鵠羣俄然動風馭縹緲歸青雲

擬古

日出天地正煌煌闢晨曦六龍驅羣動古今無盡時夸  
父亦何愚競走先自疲飲乾咸池水折盡長桑枝渴死  
化燂火嗟嗟徒爾為空留鄧林在摧折令人嗤

送契上人遊

西陵古江口遠見東揚州綠水不同泛春山應獨遊尋

僧白巖寺望月謝家樓宿昔心期在人寰非久留

夏日與綦母居士昱上人院納涼

為依爐峰住境勝增道情涼日

一作長日

暑不變空門風自

清坐援香實近轉愛綠蕪生宗炳青霞士如何知我名

疾愈寄人

哀樂暗成疾臥中芳月移西山有清士孤嘯不可追採

藥曙林靜汲泉陰澗遲微蹤與麋鹿遠謝求羊

一作舊交知

經吳平觀



古觀秋來秀冷然屬仙飈瓊葩被脩蔓栢實滿寒條影  
殿山寂寂寥天月昭昭幽情寄仙侶習定至中宵清風  
聞步虛真人方上朝

冬日天目西峰過張鍊師所居

振衣逢野泉漸見栖閒所坎坎山上聲幽幽林中語仙  
卿何代隱卿復言亦楚開氷洗藥苗掃雪候山侶零葉  
聚踈籬幽花積寒渚冥冥孤鶴性天外時輕舉

同陸使君水堂納涼

柳家避暑亭意遠不可齊煩襟蕩朱絃高步援綠萋  
松滿尊客來是清風攜潛亭前谿上曠望古郡西六月  
正中伏水輕氣當淒野香襲荷芰通性親鳬鷺禪子顧  
惠休逸民重劉黎乃知高世量不以出處睽

杼山禪居寄東谿吳處士季德

青雲何潤澤下有賢人隱路入菱湖深跡與黃鶴近野  
風吹白芷山月搖青軫詩祖吳州庠到君才不盡身當  
青山秀文體多郢聲澄徹湘水碧沈寥楚天清時人格

不同至今罕知名昔賢敦師友此道獨君行既得廬霍  
趣乃高雷遠情別時春風多掃盡雲山雪為君中夜起  
孤坐石上月悠然遺塵想邈矣達性說故人不在茲幽  
桂惜未結

贈李中丞洪

深沉門外權奕世當榮寄地裂大將軍家傳介珪瑞至  
今漳河俗猶受仁人賜公初鎮淮荆決勝無精兵重圍  
逼大敵六月守孤城政用仁恕立恩由賞罰明遂令麾

下士感德不顧生於時聞王師諸將兵頗瀆天子狩南  
漢塵烟滿函谷純臣獨耿介下士多反覆明公仗忠節  
一言感萬夫物性如蒺藜化作春蘭敷見讒金被爍終  
期玉有瑜移官萬里道君子情何如

靈一

谿行即事

近夜山更碧入林谿轉清不知伏牛路潭洞何縱橫曲  
岸烟初合平湖月未生孤舟屢失道但聽秋泉聲

棲霞山夜坐

山頭戒壇路幽映雪巖側四面青石牀一峰苔蘚色松  
風靜復起月影開還黑何獨乘夜來殊非晝所得

送洌寺主之京迎禪和尚

禪門居此地瞻望在虛空水國月未上蒼生如夢中上  
人知機士瓶錫慰樊籠彼土諸梵象嗟君揚道風

僧泚

遊元象陌

空水朝色淨澹然湖上心軸轡輕且進江洲如可尋秋  
風洄泝險落日波濤深寂寞武侯去中流方至今

貫休

臨高臺

涼風吹遠念使我升高臺寧知數片雲不是舊山來故  
人天一涯久客殊未回鴈來不得書書寄空聲哀

古意二首

一雨火雲盡閉門心冥冥蘭花與芙蓉滿院同芳馨佳

人天一涯好鳥鳴嚶嚶我有雙白壁不美於虞卿我有  
徑寸珠別是天地精玩之室生白瀟灑身安輕只應天  
上人見我雙眼明

美人如遊龍被服金鴛鴦手把古刀尺在彼白玉堂文  
章深掣曳珂珮鳴玎璫好風吹桃花片片落銀牀何當  
舉羽翰遠逐朱鳥翔

脩陸

題僧夢微房

東風日未出九衢人已行  
吾師無事坐苔蘚入門生雨  
過閒花落風來古木聲  
天台頻說法石壁欠題名

新羅王

外夷一人

太平詩

永徽元年真德大破百濟之衆遣其弟子春秋之子法敏以聞真德乃織綿作

五言太平詩以獻其詞曰

大唐開鴻業巍巍皇猷昌  
止戈戎衣定脩文繼百王  
統天崇雨施理物體含章  
深仁諧日月撫運邁時康  
幡旗既赫赫征鼓何鏗鏘  
外夷違命者剪覆被天殃  
和風凝



宇宙遐邇競呈祥  
四時調玉燭  
七曜巡萬方  
維岳降宰輔  
維帝用忠良  
五三咸一德  
昭我皇家唐

劉令嫺

閨秀五人

聽百舌

庭樹旦新晴  
臨鏡出雕梁  
風吹桃李氣  
傳過春鳥聲  
盡寫山陽笛  
全作洛濱笙  
注意留觀聽  
誤令粧不成

張琰

春詞二首

垂柳鳴黃鸝闌闌若求友春情不可奈愁殺閨中婦日暮登高樓誰憐垂小手

昨日桃花飛今朝梨花吐春色能幾時那堪此愁緒蕩子遊不歸春來淚如雨

寇姐母

古興二首

鬱蒸夏將半暑氣扇飛閣驟雨滿空來當軒捲羅幙度雲開夕霽宇宙何清廓明月流素光輕風換炎鑠孤鸞

傷對影寶瑟悲別鶴君子去不還搖心欲何托

金菊延清霜玉壺多美酒良人獨不歸芳菲豈常有不  
惜芳菲歇但傷別離久含情罷斟酌凝怨對牕牖

妓常浩

贈盧夫人

佳人惜顏色恐逐芳菲歇日暮出畫堂下階見新月拜  
月仍有詞傍人那得知歸來玉臺下始覺淡痕垂

鮑君徽

關山月

高高秋月明北照遼陽城寒迴光初滿風多暈更生征  
人望鄉思戰馬聞鼙驚朔風悲邊草沙漠昏虜營霜凝  
匣中劒風憊原上旌早晚謁金闕不聞刁斗聲

李冶

女冠  
一人

寄朱放

望水試登山山高湖又濶相思無曉夕相望經年月鬱  
鬱山木榮綿綿野花發別後無限情相逢一時說



唐詩品彙卷二十三

欽定四庫全書

唐詩品彙卷二十四

明 高棟 編

五言古詩二十四

長篇

李白

送魏萬還王屋并序

王屋山人魏萬來自嵩宋沿吳相訪數千里不  
遇乘興游台越經永嘉觀謝公石門後於廣陵

相見遂共過金陵此公愛文好古獨往物表因  
述其行而贈是詩凡六十韻 一作自高厯究  
游梁入吳計三千里相訪不過因下江東尋諸  
名山往復百越後於廣陵一面遂乘興同過金

陵云

仙人東方生浩蕩弄雲海沛然乘天遊獨往失所在魏  
侯繼大名本家聊攝城卷舒入元化跡與古賢并十二  
弄文史揮筆如振綺辨折田巴生心齊魯連子西涉清  
洛源頗驚人世喧采秀臥王屋因窺洞天門竭來遊嵩  
峯羽客何雙雙朝攜月光子暮宿玉女牕鬼谷上窈窕



龍潭下奔淩東浮汴河水訪我三千里逸興滿吳雲飄  
颻浙江汜揮手杭越間樟亭望潮還濤卷海門石雲橫  
天際山白雪走素車雷奔駭心顏遙聞會稽美且度耶  
谿水萬壑與千巖崢嶸鏡湖裏秀色不可名清輝滿江  
城人遊月邊去舟在空中行此中久延佇入剡尋王許  
笑讀曹娥碑沉吟黃絹語天台連四明日入向國清五  
峰轉月色百里行松聲靈谿恣沿越華頂殊超忽石梁  
橫青天側足履半月眷然思永嘉不憚海路賒掛席歷

海嶠回瞻赤城霞赤城漸微沒孤嶼前峽兀水續萬古  
流亭空千霜月縉雲川谷難石門最可觀瀑布掛北斗  
莫窮此水端噴壁灑素雪空濛生晝寒却思惡谿去寧  
懼惡谿咆哮七十灘水石相噴薄路創李北海巖開  
謝康樂松風和猿聲搜索連洞壑徑出梅花橋雙谿納  
歸潮落帆金華岸赤松若可招沈約八詠樓城西孤岑  
嵒岑嵒嵒四荒外曠望羣川會雲卷天地開波連浙西大  
亂流新安口北指嚴陵瀨釣臺碧雲中邈與蒼嶺對稍

稍來吳都裘徊上姑蘇烟綿橫九疑潏蕩見五湖目極  
心更遠非歌但長吁迴繞楚江濱揮策楊子津身著日  
本裘昂藏出風塵五月造我語知非佻儻人佻儻固  
滯貌相  
逢樂無限水石日在眼徒干五諸侯不致百金產吾友  
揚子雲絃歌播清芬雖為江寧宰好與山公羣乘興但  
一行且知我愛君君來幾何時仙臺應有期東牕綠玉  
樹定長三五枝至今天壇人當笑爾歸遲我苦惜遠別  
茫然使心悲黃河若不斷白首長相思

經亂離後天恩流夜郎憶舊遊書懷贈江夏韋

太守良宰凡八十三韻

天上白玉京十二樓五城仙人撫我頂結髮受長生誤  
逐世間樂頗窮理亂情九十六聖君浮雲掛空名天地  
賭一擲未能忘戰爭試涉霸王畧將期軒冕榮時命乃  
大謬棄之海上行學劍翻自哂為文竟何成劍非萬人  
敵文竊四海聲兒戲不足道五噫出西京臨當欲去時  
慷慨淚沾纓歎君個儻才標舉冠羣英開筵列祖帳慰

此遠徂征鞍馬若浮雲送余驃騎亭歌鐘不盡意白日  
落昆明十月到幽州戈鋌若羅星君王棄北海掃地借  
長鯨呼吸走百川燕然可摧傾心知不得語却欲栖蓬  
瀛彎弧懼天狼挾矢不敢張攬涕黃金臺呼天哭昭王  
無人貴駿骨綠耳空騰驤樂毅儻再生於今亦奔亡蹉  
跎不得意驅馬還舊鄉逢君聽絃歌肅穆坐華堂百里  
獨太古陶然臥羲皇徵樂昌樂館開筵列壺觴賢豪間  
青蛾對燭儼成行醉舞紛綺席清歌繞飛梁歡娛未終

朝秩滿歸咸陽祖道擁萬人供帳遙相望一別隔千里  
榮枯異炎涼炎涼幾度改九土中橫潰漢甲連胡兵沙  
塵暗雲海草木搖殺氣星辰無光彩白骨成丘山蒼生  
竟何罪函關壯帝居國命縣哥舒長戟三十萬開門納  
克渠公卿如犬羊忠謹醢與菹二聖出遊豫兩京遂丘  
墟帝子許專征秉旄控強楚節制非桓文軍師擁羆虎  
人心失去就賊勢騰風雨惟君固房陵誠節冠終古僕  
臥香爐頂餐霞漱瑤泉門開九江轉枕下五湖連半夜

水軍來潯陽滿旌旄空名適自誤迫脅上樓船徒賜五  
百金棄之若浮烟辭官不受賞翻謫夜郎天夜郎萬里  
道西上令人老掃蕩六合清仍為負霜草日月無偏照  
何由訴蒼昊良牧稱神明深仁恤交道一忝青雲客三  
登黃鶴樓顧慙禰處士虛對鸚鵡洲樊山霜氣盡寥落  
天地秋江帶峨眉雪川橫三峽流萬舸此中來連帆過  
揚州送此萬里目曠然散我愁紗牕倚天開水綠樹如  
髮窺日畏銜山促酒喜得月吳娃與越艷窈窕誇鉛紅

呼來上梯雲含笑出簾櫳對客小垂手羅衣舞春風賓  
跪請休息主人情未極覽君荆山作江鮑堪動色清水  
出芙蓉天然去雕飾逸興橫素襟無時不招尋朱門擁  
虎士列戟何森森翦鑿竹石開縈流漲清深登樓坐水  
閣吐論多英音片詞貴白璧一諾輕黃金謂我不愧君  
青鳥同丹心五色雲間鵲飛鳴天上來傳聞赦書至却  
放夜郎回煖氣變寒谷炎烟生死灰君登鳳池去忽棄  
賈生才桀犬尚吠堯匈奴笑千秋中夜四五歎常為大



國憂旌旆夾兩山黃河當中流連難不得進飲馬空夷  
猶安得羿善射一箭落旄頭

杜甫

劉須溪云子美大篇江河神怪  
不測雖太白退之天才罕及矣

自京赴奉先縣詠懷凡五十韻

杜陵有布衣老大意轉拙許身一何愚竊比稷與契

東坡

志林云子美自許稷與契人未必許也然其詩云舜舉  
十六相身尊道何高秦時用商鞅法令如牛毛此自是  
稷契輩人  
口中語也  
居然成獲落白首甘契濶蓋棺事則已此志

常覬豁窮年憂黎元歎息腸內熱

西清詩話云孟子七篇論君與民者居半

余觀少陵窮年憂黎元等語其仁心廣大異夫求冗之  
螻蟻輩真得孟子之所存矣東坡問畢仲游云少陵何  
如人答云似司馬遷但能名其詩耳  
余謂少陵似孟子蓋原其心者也

取笑同學翁浩歌

彌激烈非無江海志瀟灑送日月生逢堯舜君不忍便  
永訣當今廊廟具構厦豈云缺葵藿傾太陽物性固莫  
奪顧惟螻蟻輩但自求其穴胡為慕大鯨輒擬偃溟渤  
以茲悟生理獨耻事干謁兀兀遂至今忍為塵埃沒終  
愧巢與由未能易其節沉飲聊自遣放歌頗愁絕歲暮

百草零疾風高崗裂天衢陰崢嶸客子中夜發霜嚴衣  
帶斷指直不得結凌晨過驪山御榻在嵒嵒虫尤塞寒  
空蹴踏崖谷滑瑤池氣鬱律羽林相摩戛君臣留歡娛  
樂動殷膠葛賜浴皆長纓與燕非短褐彤庭所分帛本  
自寒女出鞭撻其夫家聚斂貢城闕聖人筐篚恩實欲  
邦國活臣如忽至理君豈棄此物多士盈朝廷仁者宜  
戰慄况聞內金盤盡在衛霍室中堂舞神仙烟霧濛玉  
質煖客貂鼠裘悲管逐清瑟勸客馳蹄羹霜橙壓香橘

劉云風雅雜見

朱門酒肉臭路有凍死骨榮枯咫尺異惆悵難

再述北轅就涇渭官渡又改轍羣水從西下極目高崕  
兀疑是崆峒來恐觸天柱折河梁幸未坼支撐聲窸窣  
行旅相攀援川廣不可越老妻旣異縣十口隔風雪誰  
能久不顧庶往共飢渴入門聞號咷幼子飢已卒吾寧  
捨一哀里巷亦嗚咽所愧為人父無食致夭折豈知秋  
未登貧窶有倉卒生常免租稅名不隸征伐撫跡猶酸  
辛平人固騷屑默思失業徒因念遠戍卒憂端齊終南

傾洞不可掇

北征

至德二載公自鳳翔還鄜州此詩述在路及到家之事當是本年九月作

皇帝二載秋閏八月初吉杜子將北征蒼茫問家室維  
時多艱虞朝野少暇日顧慙恩私被詔許歸蓬華拜辭  
詣闕下怵惕久未出雖乏諫諍姿恐君有遺失君誠中  
興主經緯固密勿東胡反未已臣甫憤所切揮涕戀行  
在道途猶恍惚乾坤含瘡痍憂虞何時畢靡靡踰阡陌  
人烟眇蕭瑟所遇多被傷呻吟更流血回首鳳翔縣旌

旗晚明滅前登寒山重屢得飲馬窟邠邠入地底涇水  
中蕩潏猛虎立我前蒼崖吼時裂菊垂今秋花石戴古  
車轍青雲動高興幽事亦可悅山菓多瑣細羅生雜橡  
栗或紅如丹砂或黑如點漆雨露之所濡甘苦齊結實  
劉云長篇自然不可無此又云愁緒  
中得從容風刺如此語乃大篇興致 緬思桃源內益歎

身世拙坡陀望鄜時谷巖互出沒我行已水濱我僕猶  
木末鴟鳥鳴黃桑野鼠拱亂穴夜深經戰場寒月照白  
骨潼關百萬師往者散何卒遂令半秦民殘害為異物

況我墮胡塵及歸盡華髮經年至茅屋妻子衣百結慟  
哭松聲迴悲泉共幽咽平生所嬌兒顏色白勝雪見爺背  
面啼垢膩脚不襪牀前兩小女補綻纔過膝海圖圻波  
濤舊繡移曲折天吳及紫鳳顛倒在短褐老夫情懷惡  
嘔泄臥數日那無囊中帛救汝寒凜慄粉黛亦解包衾  
裯稍羅列瘦妻面復光癡女頭自櫛學母無不為曉粧  
隨手抹移時施朱鉛狼籍畫眉濶生還對童稚似欲忘  
飢渴問事競挽鬚誰能即嗔喝翻思在賊愁甘受雜亂

聒新歸且慰意生理焉得說

劉云北征精神全得一段畫意他人窘態有甚不能

自言又羞  
置勿道

至尊尚蒙塵幾日休練卒仰看天色改旁覺

妖氛豁陰風西北來慘澹隨回紇其王願助順其俗喜

馳突送兵五千人驅馬一萬匹此輩少為貴四方服勇

決所用皆鷹騰破敵過箭疾聖心頗虛佇時議氣欲奪

伊洛指掌收西京不足拔官軍請深入蓄銳伺俱發此

舉開青徐旋瞻畧恒碣昊天積霜露正氣有肅殺禍轉

亡胡歲勢成擒胡月胡命其能久皇綱未宜絕憶昨狼



猥初事與古先別姦臣競菹醢同惡隨蕩折不聞夏殷  
衰中自誅褒姒周漢獲再興宣光果明哲桓桓陳將軍  
伏鉞奮忠烈微爾人盡非於今國猶活淒涼大同殿寂  
寞白獸闥都人望翠華佳氣向金闕園陵固有神灑掃

數不輟

劉云數音朔謂每有喪亂終必反正

煌煌太宗業樹立甚宏達

石林

詩話云長篇最難晉魏以前詩無過十韻者蓋常人以意逆志初不以叙事傾倒為工至杜子美北征述懷諸篇窮極筆力如太史公紀傳此古今之絕唱也東坡曰北征詩識君臣大體忠義之氣與秋色爭高可貴也須溪詩眼云孫莘老常謂老杜北征詩勝退之南山詩王平甫以謂南山勝北征終不能相服時山谷尚少

乃曰若論工巧則杜北征不及南山若書一代之事與國風雅頌相為表裏則北征不可無而南山雖不作未害也二公論遂定

韓愈

南山詩

按長安志終南山在萬年縣南五十里漢書太一山又為終南山東方朔曰

終南山天下之大祖也其山多玉石金銀銅鐵豫章檀栢異物不可勝原此百工取給萬姓所仰是也元和初公自江陵法曹召為國子博士賦此詩凡百有一韻洪駒父曰此詩似上林子虛才力小者不可到也

吾聞京城南茲維羣山圓東西兩際海巨細難悉究山

經及地志茫昧非受授團辭試提挈挂一念萬漏欲休  
諒不能麤序所經觀嘗昇崇丘望戢戢見相湊晴明出  
稜角縷脉碎分繡蒸嵐相瀕洞表裏忽通透無風自飄  
簸融液煦柔茂橫雲時平凝點點露數岫天宇橫脩眉  
濃綠畫新就孤撐有巉絕海浴褰鵬噉音畫自此已上  
纔序南山大槩  
春陽潛沮洳濯濯深吐秀巖巖雖崱嶸羣弱類含耐夏  
炎百木盛蔭鬱增埋覆神靈日歇戲雲氣爭結構秋霜  
喜刻鏤鏤卓立癯瘦參差相疊重剛耿陵宇宙冬行雖

幽墨水雪工琢鏤新曦照危峨億丈恒高表明昏無停態

頃刻異狀候

已上序四時變態

西南雄太白突起莫間遙

遙者梓也

齊也雁也初救切

藩都配德運分宅占丁戊

丁戊亦謂西南

逍遙越地

位詆訐陷乾竇

逍遙谷名地亦作坤言太白非特占西南坤位又侵及東北乾位故云陷乾竇

空虛寒競競風氣較搜漱朱維方燒日陰霞縱騰糅

交救

切糅糅也

昆明陰池北去覲偶晴晝絲聯窮俯視側側困清

漚微瀾動水面踊躍躁揉欣驚呼惜破碎仰喜呀不仆

仆倒也音敷救又四候切已上言南山方隅連亘之所

前尋經杜墅

即杜陵也

全蔽畢

原陋

坐塵也畢原周文武葬處

崎嶇上軒昂始得觀覽富行行將遂

窮嶺陸煩互走

音奏

勃然思拆裂擁掩難恕宥巨靈與夸

娥

河神巨靈以手擘山列子夸娥氏負二山

遠賈期必售還疑造物意固護

蓄積祐力雖能排幹雷電勞呵詬攀緣脫手足蹭蹬抵

積甃茫然試矯首塤塞生恟愁

寇茂二音愁然貌

威容喪蕭爽

近新迷遠舊拘官計日月欲進不可又因緣窮其湫

南山

有炭谷湫凝湛閉陰獸魚蝦可俯掇神物安敢寇林柯有脫

葉欲墮鳥驚救

其湫神靈葉落恐汗湫水鳥即銜去

爭銜彎環飛投棄急

哺穀

音寇

旋歸道回睨遠枿壯復奏吁嗟信奇怪峙質能

化質前年遭譴謫探歷得邂逅初從藍田入

貞元十九年十二月

公自監察御史謫出為連州陽山令已下言其過藍田縣所經歷見也

顧盼勞頸脰時天

晦大雪淚目苦朦朧峻塗拖長冰直下若懸溜褰衣步

摧馬顛蹶退且復蒼黃忘遐晷所矚纔左右杉篁咤蒲

蘇杲耀攢介冑專心憶平道脫險逾避臭

呂氏春秋曰人有口臭者

其兄弟皆無能與居者

昨來逢清霽宿願欣所副崢嶸躋冢頂倏

閃維艫馳前低劃開濶濶漫堆衆皴

一作皴石墓也

或連若相

惡或向若相祐或亂若抽笋或嶮若炷灸

音疾

或錯若繪畫

或繚若篆籀或羅若星離或翦若雲逗或浮若波濤或碎

若鋤耨或如賁育倫睹勝勇前購先強勢已出後鈍嗔

誼諱

不能言貌

或如帝王尊叢集朝賤幼雖親不褻狎雖遠

不悖謬或如臨食案有核分飭飭又如遊九原墳墓包

槩樞或累若盆甕或揭若登豆或覆若瀑瀝或頽若寢

獸或蛻若藏龍或翼若搏鷲或齊若朋友或差若先後

或迸若流落或頽若宿留或戾若仇讐或密若媾媾或

儼若峨冠或翻若舞袖或屹若戰陣或圍若蒐狩或靡  
然東注或偃然北首或如火熺烟或若氣饋餽或行而不  
輟或遺而不收或斜而不倚或弛而不彀或赤若禿鬣  
或燠若柴樵或如龜拆兆或若卦分繇音宙或前橫若剝  
或後斷若妬延離又屬夫夫叛還遘喁喁魚闐萍落

落月經宿閨閨樹墻垣巖巖架庫廡參參削劍戟煥煥  
銜瑩琇敷敷花破萼關關屋摧雷悠悠舒而安兀兀狂  
以徂超超出猶奔蠹蠹駭不懋

已上序其  
歷見之狀

大哉立天地



經紀肖營膝

象營衛膝理也

厥初孰開張俛俛誰勸侑創茲朴

而巧戮力忍勞疚得非施斧斤無乃假咀呪鴻荒意無

傳功大莫酬儗嘗聞於祠官苾芬降歆嗅斐然作歌詩

惟用贊報醕

音又言作歌詩以贊報醕之典醕亦報也韓仲韶云是詩始總序其四時之變次叙

南山連亘之所止其末則叙其經歷之所見者焉

唐詩品彙卷二十四